

Ämmitaler Alpuffahrt**f, f** (B-Dur) (2 st. Jodel)

Ja, dr Früelig isch jetzt wieder uf die schöne Bärge cho, lat sech uf de Matte nieder, ändlig chöi mer z'Alpe goh. *Solo: Ja ho! sä, sä sä ho ja ho!* Tüet uf d'Türe, alli vüre, g'seht ihr d'Sunne, jetzt isch's g'wunne, müesse o no d'Ruschtig lade, näht die Treichle usem Gade

Üse Muni treit der Meihe, üser Chüe hei d'Glogge a, u sie stah scho i der Reihe, d'Buebe möi si chum no bha. *Solo, Ja ho! sä, sä sä ho ja ho!* Bruni wehr di, Rämu chehr di, la g'seh Brone gang zur Chronen. Lise, Tschägg u Freude zueche, Lobeli, du chasch o ueche.

Üse Zügel, dä isch glade, d'Chessi hange hinger a; o der Gross-att uf em Trögli, wott no einisch z'Alpe gah. *Solo: Ja ho! sä, sä sä ho ja ho!* Wen es Hagel-wätter chroset, u-nes i de Flüene toset, git's o i de Bärge Tage, wo-n-eim Angscht u Sorge plage.

Lueg jetzt hei mersch scho erstritte, mir si dobe-n-uf em Grat, g'höret ihr wie d'Glogge lüüte, üser Hütte si parat. *Solo Ja ho! sä, sä sä ho ja ho!* Hürigs Jahr la mir vollFreude, üsersch Veh da obe weide; liebe Herrgott, gib di Säge, hie uf allne üse Wäge.